

Sarajevo, 12-02-2020

Broj: 01-1-3-7937

Na osnovu člana 8. stav 2. Zakona o javnim nabavkama (Službeni glasnik BiH broj 39/14), člana 7. stav 2. Pravilnika o postupku dodjele ugovora o uslugama iz Aneksa II. dio B. kategorija 11. Zakona o javnim nabavkama (Službeni glasnik BiH broj 66/16), člana 48. Statuta (Službene novine FBiH broj 73/13) i usvojenog privremenog Plana javnih nabavki KCUS za 2020.godinu (Odluka UO KCUS o usvajanju privremenog Plana javnih nabavki za 2020.godinu, broj 02-01-5014 od 28.01.2020.godine), Generalna direktorica donosi

ODLUKU

o pokretanju postupka nabavke usluga on line pristupa/korištenja medicinskoj bazi podataka "Up To Date"
(Ekspertni medicinski sistem u elektronskoj formi)

I

Ovom odlukom odobrava se pokretanje postupka javne nabavke za izbor najpovoljnijeg ponuđača za nabavku usluga - **Usluge on line pristupa/korištenja medicinskoj bazi podataka "Up To Date" (Ekspertni medicinski sistem u elektronskoj formi)**

Nabavka iz prethodnog stava provest će se primjenom Poziva za dostavljanje ponuda za nabavku usluga, propisanog Pravilnikom o postupku dodjele ugovora o uslugama iz Aneksa II. dio B. kategorija 11. Zakona o javnim nabavkama (Službeni glasnik BiH broj 66/16). Poziv za dostavu ponuda objavit će se na Web stranici KCUS-a i uputiti na najmanje tri adrese ponuđača.

II

Za realizaciju nabavke iz člana 1. ove odluke odobravaju se finansijska sredstva u iznosu od **250.000,00 KM** bez uračunatog PDV-a na period od 36 mjeseci. Sredstava iz predhodnog stava planirana su privremenim Planom javnih nabavki za 2020.godinu, pod klasifikacijom **USLUGE INVESTICIJE**, redni broj **1.** (Odluka UO KCUS o usvajanju privremenog Plana javnih nabavki za 2020.godinu, broj 02-01-5014 od 28.01.2020.godine).

Uslovi plaćanja predviđeni za postupak nabavke su odgođeno plaćanje 30 dana po ispostavljenom računu (na osnovu akta Sektora za računovodstvo, plan i analizu br. 56-11-1-6997 od 06.02.2020. godine).

III

Realizaciju nabavke iz člana 1. ove odluke provest će Tehnički sektor putem Komisije za sprovođenje postupka javne nabavke, u skladu sa postupcima regulisanim Zakonom o javnim nabavkama, Pravilnikom o postupku dodjele ugovora o uslugama iz Aneksa II. dio B., podzakonskim aktima i općim aktima ugovornog organa KCUS-a.

IV

Zaključenje ugovora ili drugog pravnog posla u cilju realizacije predmetne nabavke provesti će se u skladu sa ovlaštenjima utvrđenim Zakonom o javnim nabavkama, Pravilnikom o postupku dodjele ugovora o uslugama iz Aneksa II. dio B., podzakonskim aktima i općim aktima ugovornog organa KCUS-a.

V

Odluka stupa na snagu danom donošenja.

OBRAZLOŽENJE

Tehnički sektor (Disciplina za nauku i nastavu), obratio se Generalnoj direktorici sa zahtjevom za saglasnost za pokretanje postupka javne nabavke. Predmet postupka nabavke je nabavka usluga on line pristupa/korištenja medicinskoj bazi podataka "Up To Date".

Analizirajući predmetni zahtjev Tehnički sektor je utvrdio da su ispunjene pretpostavke za realizaciju predmetne nabavke, te shodno Zakonu o javnim nabavkama, Pravilniku o postupku dodjele ugovora o uslugama iz Aneksa II. dio B. i usvojenim općim aktima ugovornog organa dostavio predmetni zahtjev Generalnoj direktorici na konačno odobravanje.

Cijeneći navedeno donesena je odluka kao u dispozitivu.

v.d. RUKOVODILAC TEHNIČKOG SEKTORA

Muhamed Kadić, dipl.ing.građ.



GENERALNA DIREKTORICA

Prof.dr. Sebiha Izetbegović